

## حدود الاختلاط بين الجنسين الجزء الثالث

فاضل سليمان

طيب الحاجة الثالثة احنا كنا لسه ما دخلناش في المشروع في الموضوع على فكرة. الموضوع بتاعنا اداب الاختلاط دي لسه ما دخلناش فيها تنظيم لقاءات مشتركة بين الجنسين تحت اشراف تربويين. يعني ايه - [00:00:00](#)

يعني ما تجيش البنت اول مرة تتعامل مع الاولاد يوم الدخلة. يعني اول ما تشوف ذكر يبقى هو ده عريسها اهو. ده كلام مشاكل بقى يعني آآ ببسموها ايه الحياء او - [00:00:15](#)

الحياة المزمّن التيس المكسوف ما ما تعاملتش قبل كده مع ولاد. هي طول عمرها اتربت خلاص. وسط ماما واخواتها البنات حتى ما قالهاش ممكن اخوات ولاد ما تعودتش انها تتعامل مع ولاد والمدرسة طول عمرها كانت مدرسة بنات وعمر ما بابا وراها اي لا لا ليه ؟ ده الرسول عليه الصلاة والسلام امر بخروج البنات لصلاة العيد - [00:00:34](#)

ام عطية بتقول قالت امرنا نبينا صلى الله عليه وسلم بان نخرج العواتق وذوات الخدور. العواتق البنات لما يبقوا خلاص وصلوا لسن الزواج هي اسمها معتوقة معتوقة من شغل البيت. ليه؟ عشان بقى ما ايديها بقى ما تبقاش آآ يعني مقشفة بقى وبتاع عشان بقى - [00:00:54](#)

ابن الحلال بقى ياخذها يلاقيها كده كويسة. اسمها العواتق يعني معتوقة من شغل البيت. وذوات الخصور البنات اللي هم ايه؟ المكسوفين دول اللي قاعدين في بيوتهم ما بيخرجوش بقى خلاص كبروا بقى - [00:01:14](#)

الرسول عليه الصلاة والسلام امر يوم العيد يخرجوا يذهبوا الى المصلّى كله ييجي ليه؟ عشان يعرفوا ان فيه مجتمع. عشان يعرفوا ان فيه جنس اخر. يبقى فيه نوع من انواع الاحتكاك والاختلاط ولكن في وجود من له احترامه من الكبار. يعني ايه؟ يعني انا مسلا كبير في العيلة عندنا - [00:01:26](#)

اجي اجيب ولاد وبنات العيلة. دول دول ولاد خالة وبنات خالة وولاد عم وبنات عم اقعدهم كده واعمل لهم مسابقات دينية. ونتكلم مع بعض بحيس الولد والبنت وبعدين في قعدة واحدة اتعودوا ان هم ان فيه نوع من انواع التعامل - [00:01:46](#) ابتدي اخذ رأيهم في امور اهيأهم بطريقة تجنبهم الخجل المزمّن. الخجل المزمّن ده ده مرض على فكرة. مرض نفسي. وهيا اجهزهم للتعامل مع الجنس الاخر ان خلاص هم هيكبروا هيخشوا الجامعة. اهيأهم للتعامل ده بدون ما يبقى في - [00:02:03](#) في مغالاة او افراط. يعرفوا ايه هي اداب الاختلاط نبتدأ نبدأ بقى نتكلم في اداب الاختلاط في الاسلام هناك اداب مشتركة بين الرجال والنساء. بين الاولاد والبنات. وهناك اداب خاصة بالنساء هنتكلم فيها - [00:02:26](#)

اول حاجة في الاداب المشتركة جدية مجال اللقاء. هنتكلم في كل نقطة بعد كده بالتفصيل اتنين الغض من البصر. ثلاثة تجنب المصافحة اربعة الفصل بطريقة تجنب المزاحمة خمسة تجنب الخلوة - [00:02:46](#)

سته الحاجة لازن الزوج المسافر قبل زيارة بيته. هنفهمها بعدين سبعة تجنب اللقاءات الطويلة المتكررة. تمانية تجنب مواطن الشبهات. نبتدي. اولاً جدية مجال اللقاء يعني ايه؟ يعني فهيبقى فيه ولاد وبنات مع بعض في معين ينفع؟ اه ينفع طبعاً. في ايه؟ في ايفنت جاد. في نشاط مشترك جاد. جايين ناخذ محاضرة في - [00:03:10](#)

عيد الصاوي ايه! ما هو ما احنا مختلطين اهو يجوز. ايه كمان؟ نشاط مشروع علمي في المدرسة في في الجامعة شيه مشروع دعوي في مؤسسة مصر الخير ولا رسالة. لكن مش عيد ميلاد توتو - [00:03:38](#)

يعني توتو يعمل عيد ميلاده يجيب اصحابه. مش اصحابه وصاحباته بقى وهي تيتي تعمل عيد ميلادها تجيب صاحباتها. لكن توتو

وتيتي مع بعض لأ ده اللي بنقوله جدية مجال اللقاء المجال نفسه يكون جاد - 00:04:01

الله سبحانه وتعالى يقول وقلن قولاً معروفاً. القول ما كانش معروف ما تقولوهوش. مهم قوي بقى لما نكون مختلطين ببعض حتى في مجال جاد نخلي بالنأ بقى عدم الخوض في أمور فاحشة او بذيئة - 00:04:18

الكلام الفاحش لأ الكلام البذيء لأ ايه الفرق بين الفحش والبذاءة؟ الفحش هو الكلام اللي فيه احياءات جنسية كلام يقبل معانيه كده له احياءات شوية سيكشوال يعني ده ممنوع تماماً. ممنوع تماماً حتى حتى لو ما فيش اختلاط - 00:04:38

اللي هو الكلام والهزار بطريقة فيها فحش. البذاءة بقى هي ايه؟ البذاءة هي الالفاظ اللي مش نضيفة بس ما يكونش لها احياءات جنسية. زي مسلا واحد مسلا يحصل حاجة مفاجأة له وتضايقه او بتاع يقوم يا قايل لفز كده يعني - 00:04:59

بمعنى مسلا اللي هو فضلات الانسان يعني لفز بحرف الخه لأ ده اسمه دي اسمها بذاءة. بذاءة على فكرة لا حياء في العلم. بعضكم ببضحك. لكن لما نيجي نفتح كتاب احياء علوم الدين. هو كاتب اللفظ كمان - 00:05:18

وقال هذه الفاز بزيئة ولا يجوز للمسلم ولا يصح المسلم ان يستخدمها. تمام؟ النهاردة انا بسمع بقى ان الاف وورد بقت كلمة عادية يعني. يعني الشباب يقولوها ولاد وبنات يقولوها عادي جدا - 00:05:34

خلاص اصل هو يعني حضرتك يا عمو ما انتاش فاهم ما بقاش معناها زي زمان. الله معناها مش زي زمان هنستخدمها بقى. الله ده شوية شوية بيبقى عليها سواب طيب عدم الخوض في أمور فاحشة او بزيئة ايه كمان؟ عدم الخوض فيما لا ينفع. هنتكلم هنتكلم كلام

جد كلام مفيد. لكن نقعد بقى - 00:05:48

نضيع وقتنا ونتكلم في اي كلام. لأ وجود ولاد وبنات خلي الكلام كله كلام يكون له هدف ما فيش داعي للكلام الزيادة اللي ما لوش هدف. تجنب الغيبة دي بتحصل كتير اوي. لما يكون لولاد وبنات مختلطين ببعض. والله فيه بنتين - 00:06:10

قاعدين كده وتلات اربع ولاد وفيه مشروع جد بيعملوه وبعدين آآ ولد يقوم قايم منهم راح يعمل حاجة. بص للولاد تاني ابتدوا يتكلموا يبصوا لبعض ويضحكوا وبتاع فالبلد يقول ايه ايه في ايه؟ لا اصل تقع - 00:06:27

امبارح عمل حاجة غريبة اوي. طبعا الغرض من ده هو تشويه صورة الولد عند البنات دول. لان فيه تنافس. خلوا بالكم. ما هو نفسية الولاد والبنات لما يكونوا مختلطين ببعض - 00:06:43

بتتغير. لذلك بعض المدارس اللي كانت بتدعم موضوع انها تبقى مدارس مشتركة. النهاردة بقت بتفصل الولاد والبنات في الدراسة عشان يعرفوا يدرسوا ليه؟ ما هو الاولاد مع البنات مع بعض في فصل واحد الولد عايز يعمل نفسه آآ برم. والبت عايزة تعمل نفسها

يعني آآ كول والبتاع التهريج بيزيد في الفصل - 00:06:53

والتركيز بيقبل جدا. فهنا هو مهم يكون مجال اللقاء نفسه جاد. ويكون فيه التزام بحدود معينة من ضمنها تجنب الخيلاء مقعدين مع بعض بقى فكل واحد عايز يتمنظر وهو هو قاصد لما يتمنظر بيرمي كلمة عشان البنت اللي قاعدة - 00:07:16

والله احنا بابا امبارح اشترى لنا يخت هناخد مارينا. اه ما اخويا لأ بقى. كل واحد بقى يتباهى وتقول له ياه! يا اختي في مارينا! لأ احنا ما بنركبوش خالص غير ما بنروح عندنا البيت بتاعنا اللي في آآ في آآ في جنوب فرنسا مسلا. وكل بقى - 00:07:36

حد يمعر لولاد وبنات مع بعض خلي بالك هتحت النار جنب الجاز خطر جدا. لابد من وجود اشياء معينة وحدود معينة في التعامل بينهم ونمرة واحد قلنا جدية مجال اللقاء بس يعني ايه يعني؟ يعني ما فيش ضحك خالص ما فيش اي مرح ابدأ - 00:07:54

بعض المرح مقبول. ازاي يعني بعض المرح بس آآ برضو في اطار نظيف وجاد. دليلك ايه احنا قلنا ما فيش حد ابدأ اكبر من ان يتقال له دليلك ايه؟ لم نفهم كده. الا الرسول عليه الصلاة والسلام لانه مشرع. حتى الصحابة يتقالوا - 00:08:14

دليلك ايه؟ خلي بالك ما عدا اربعة. ليه؟ لانه قال عليكم بكتاب الله وسنتي وسنة الخلفاء الراشدين من بعدي. يعني استثنى عدد قليل من الصحابة من بقية الصحابة. اما حتى - 00:08:42

سهل قوي يتقال للصحابي دليله كان ايه ممكن الصحاب يخطئ على فكرة. مش حال بقى التابعين وتابعي التابعين. ايه بقى الدليل على الموضوع ان المرح يكون مقبول دخل عمر على حفصة - 00:08:59

واسماء عندها اسماء مين؟ اسماء بنت عميس. فقال عمر حين رأى اسماء من هذه؟ قالت اسماء بنت عميس. قال عمر الحبشية هذه البحرية هذه قالت اسماء نعم اولاً اسماء لحبشية ولا ايه بحرية يعني - [00:09:12](#)

السيدة اسماء بنت عميس كانت من الذين هاجروا في هجرة الحبشة فركبت البحر وذهبت الى الحبشة وهو قال الحبشية البحرية الثانية قالت اه طب ما دا مرح خلي بالك فقال لها سبقناكم بالهجرة فنحن احق برسول الله صلى الله عليه وسلم - [00:09:33](#)

يعني احنا بقى هاجرنا المدينة وانتم كنتم لسه في الحبشة. وابتدى يبقى فيه نوع من انواع الهزار. المقبول النظيف اللي في اطار نظيف ده مهم جدا نبقي فاهمينه يا اخوانا. ان حتى لو فيه ولد وبنت وممكن يبقى فيه اه اه بعض المرح لكن برضه اطار نظيف -

[00:09:59](#)

- [00:10:19](#)